

情外類
情通類
情蹟類

情史類略
卷三
四三二

情史類畧卷二十二目錄

情外類

丁期

情貞

王確

龍陽君

藉孺 閔孺

曹肇

王承休

梁生

鄭櫻桃

以下情類

張浪狗

俞大夫

以下情再見

向魍

以下情愛

安陵君

孔桂

周小史

車梁

萬生

董賢

襄城尹

情感

潘章 情化

鄧通

申侯 以下情憾

韓嫣

張放

弄兒

彌子瑕 以下薄倖

王韶

兵子 以下情仇

任懷仁

李延年 以下姊弟並寵不終

慕容冲

張幼文 情報

宋朝 以下情穢

秦宮

馮子都

陳子高

王祭酒 以下情累

朱凌谿

金氏子 張氏子 邪神

呂子敬秀才 靈鬼

終

情史類畧卷二十二

情外類

○丁期 情貞

丁期婉孌有容采。恒立寵嬖之朝。賢論事。賓客聚集。恒在背後坐。食畢。便回盤與之。期雖被寵。而謹約不敢爲非。立臨命之曰。斯乃以身捍刃。

○俞大夫 以下情私
再見

俞大夫華麗有好外癖。嘗擬作疏奏上帝。欲使童子後庭誕育。可廢婦人。其爲孝廉時。悅一豪貴家歌兒。與其主無生平。不欲令知。每侵晨匿一剗中俟其出。後主人稍寬。乃邀歡焉。爲留三日。主人曰。不謂傾蓋之歡。竟成如蘭之臭。俞曰。恨如蘭之臭。從

廁中來耳

譚檠云俞進士君宣於妓中愛周小二於優童愛小徐嘗言
得一小二天下可廢郎童得一小徐天下可廢女子語本大
夫家教來

○王確

王僧達爲吳郡太守疾子確少美容僧達與之私款甚昵確
叔父休永嘉太守當將確之郡僧達欲逼留之確知其意避不
往僧達潛於所住後作大坑欲誘確來別殺埋之從弟僧虔知
其謀禁訶乃止

○向魑

以下情愛

向魑宋大夫有寵於桓公公以爲司馬時公子佗有白馬四疋

欲之。公取而朱其尾鬣以與之。公子怒，使從者奪之。魼懼，欲走，公閉門而泣之，目盡腫。

○龍陽君

魏王與龍陽君共船而釣。龍陽君涕下，王曰：「何爲泣？」曰：「爲臣之所得魚也。」王曰：「何謂也？」對曰：「臣之所得魚也，臣甚喜，後得又益。大臣欲棄前得魚矣。今以臣之凶惡而得爲王拂枕席，今四海之內，美人亦甚多矣。聞臣之得幸於王也，必褰裳趨王，臣亦棄之，所得魚也，亦將棄矣。臣安能無涕出乎？」魏王於是布令於四海之內，曰：「敢言美人者族。」

○安陵君

江乙說安陵君，纏曰：「君無咫尺之功，骨肉之親，處尊位，受厚祿。」

一國之衆見君莫不斂衽而拜撫委而服何以也曰過舉以色不然無以至此江乙曰以財交者財盡而交絕以色交者華落而愛渝是以嬖色不敝席寵臣不避軒今君擅楚國之勢而無以自結於王竊爲君危之安陵君曰然則奈何曰願君必請從死以身爲殉如是必長得重於楚國曰謹受命三年楚王游於雲夢結駟千乘旌旗蔽天野火之起也若雲霓咒臯之聲若雷霆有狂兇踰車衣輪而至王親引弓而射一發而殪王抽旃旌而抑兇首仰天而笑曰樂矣今日之游也寡人萬歲千秋之後誰與樂此矣安陵君泣數行下進曰臣入則編席出則陪乘大王萬歲千秋之後願得以身試黃泉孽螻蟻又何如得此樂而樂之王大悅封纒爲安陵君

魏阮籍詩曰。昔日。華子安陵於龍陽。天天桃李花灼灼有
輝光。悅澤若九春。簪折似秋霜。時發紫媚言。笑吐芬芳機。
手等歡愛宿昔同。衾裳。

○藉孺 閔孺

漢書曰。漢興。佞幸寵臣。高祖時。則有藉孺。孝惠時。則有閔孺。此
兩人非有才能。但以婉媚貴幸。與上同臥起。公卿皆因關說。故
孝惠時。郎侍中皆冠鵷鷺。貝帶。傅脂粉。皆閔藉之屬也。

按通鑑。高帝有疾。臥禁中。詔戶者無得入。羣臣絳灌等莫敢
入。十餘日。樊噲排闥直入。大臣隨之上。獨枕一宦者臥。噲等
見上流涕曰。始陛下與臣起豐沛。定天下。何其壯也。今天下
已定。又何憊也。且陛下獨不見趙高之事乎。上笑而起。高帝

寵幸蓋不止一藉孺矣

○孔挂

孔挂性便妍曉博交踰鞠魏祖愛之在左右出入隨從挂察太祖意歡樂因言次曲有所陳事多見從數得賞賜又多饋遺挂因此侯服王食太祖既愛挂五官將及諸侯亦皆親之見魏志

○曹肇

曹肇有殊色魏明帝寵愛之寢止恒同嘗與帝戲賭衣物有不獲輒入御帳服之逕出其見親寵類如此

○周小史

晉張翰周小史詩曰翩翩周生婉孌幼童年有十五如日在東香膚采澤素質參紅團輔圓頤齒蓓芙蓉爾形既淑爾服亦鮮

輕車隨風飛霧流烟轉側綺靡顧盼使媚和顏善笑美口善言
梁劉遵繁華詩云可憐周小童微笑摘蘭葉鮮膚勝粉白暖
臉若桃紅揆彈雕陵下垂鉤蓮葉東腕動飄香臂衣輕任好
風幸承拂枕選侍奉華堂中本知傷輕薄含詞羞自通剪袖
恩雖重殘桃愛未終蛾眉詎須疾新粧近人宮所謂周小童
者意卽周小史古有其人擅美名如子都宋明者而詩人競
咏之耳

○王承休

蜀後主王衍時宦官王承休以優笑狎暱見寵有美色恒侍小
主寢息久而專房承休多以邪僻姦穢之事媚其主主愈寵之
承休娶妻嚴氏亦嬖於後主與韓昭爲刎頸交所謀皆互相表

襄承休一日請從諸軍揀選驍勇數千號龍武軍自爲統帥特
加衣糧因乞秦州節度使且云願與陛下於秦州採掇美醜後
主從之以此決幸秦之計中外切諫不從及車駕至漢州而魏
兵已圍鳳州羽書飛報少主猶謂臣下設計沮其東行曰朕恰
要觀看相殺已聞諸將棄城走乃倉皇遁還王承休擁麾下之
師及婦女孩幼萬餘口金銀繒幣於西番買路歸蜀沿路被掠
迨至蜀存者百餘人魏主被蜀斬之

○車梁

陝西車御史梁按部某州見拽轎小童愛之至州令易門子吏
目以無應車曰如途中拽轎小童亦可吏曰又以小童乃邂逅
所夫驛丞喻其意進言曰小童曾供役上宮竟以易之強景明

戲作拽轎行云拽轎拽轎彼狡童兮大人要末云可惜吏目其
不曉好箇驛丞到知道

○梁生

梁生東粵小吏也所嬖狡童爲臬長俞華競所奪俞每出童乘
馬隨之梁憤甚乃挾利刃俟童於路折角之使下遂挾以西黨
俞抵衙問童何在左右以馬不進對久之徒馬耳俞怒甚左右
亦驚異詢諸途人言梁生也而梁生家云生實未歸有司承俞
旨索之不獲迺梏其父而懸重賞購生生居西粵歲餘聞俞遷
去乃歸有司以俞漁獵外邑已甚頗不直之以故釋生父而縱
生不問生與童相好如初

○萬生

龍子猶萬生傳云萬生者楚黃之諸生也。所善鄭生曰孟哥。始遇鄭於觀優處。垂髫也未同。而言應進以雪梨。不却。萬喜甚。期明日更會於此。將深挑之。而鄭不果來。訪其耗。則已奉父命從學中州矣。惘然者久之。凡歲餘。復遇諸途。則風霜盈面。殊不似故吾。萬心憐乃更甚。數從周旋。遂締密好。邑少年以爲是鬼子者。而亦沒童耶。欲相與謫鄭以恥萬生。萬不顧也。匿鄭他所。飲食焉。久之。鄭色澤如故。稍行都市中。前邑少年更相與誇鄭生美。爭調之。鄭亦不顧。蓋萬與鄭出入比目者數年。而鄭齒長矣。萬固貧士。而鄭尤貧。萬乃爲鄭擇婚。且分割其舍三之一舍之。而迎其父母養焉。萬行則鄭從。若愛弟。行遠則鄭爲經理家事。若幹僕病。則侍湯藥。若孝子齋中設別榻。十日而五宿。兩家之。

如此妖艷
誤目爲婦

人皆以爲固然不之訝叩其門登其堂亦復忘其爲兩家者也
子猶曰天下之久於情有如萬鄭二生者乎或言鄭生鷹肅耳
非有安陵龍陽之資而承繡被金丸之嬖萬生誤雖然使安陵
龍陽而後嬖是以色升耳烏乎情且夫顏如桃李亦安能久而
不萎者哉萬惑曰者言法當客死乃預屬其內戚田公子及其
友楊也萬一如曰者言二君爲政必令我與鄭同穴吁情癡若
此雖有美百倍吾知萬生亦不與易矣鄭生惻惻寡言絕與浮
薄子不類而軀殊渺小或稱之纔得六十觔亦異人也

○鄭櫻桃

以下情癡

鄭櫻桃者襄國優童也艷而善淫石虎爲將軍絕嬖之以櫻桃
譖殺其妻某氏後娶某氏復以櫻桃譖殺之唐李頎有鄭櫻桃

天亦不誤

歌謠以爲婦人

○○董賢

董賢字聖卿雲陽人也父恭爲御史任賢爲太子舍人哀帝立賢隨太子宮爲郎二歲餘傳漏在殿下爲人美麗自喜哀帝望見說其儀貌識而問之曰是舍人董賢邪因引上與語拜爲黃門郎縣是始幸問及其父卽日徵爲霸陵令遷光祿大夫賢寵愛日甚爲駙馬都尉侍中出則參乘入御左右旬月間賞賜累鉅萬貴震朝廷常與上起臥又嘗晝寢偏籍上袖上欲起賢未覺不欲動賢廼斷袖而起賢自是輕衣小袖不用奢帶脩裙故使便易宮人皆效其斷袖賢性柔和便辟善爲媚以自固每賜洗沐不肯出常留中視醫藥上以賢難歸詔令賢妻得以爲

服妖

殿中止賢廬若更妻子居官寺舍又召賢兄弟以爲昭儀位次
皇后更名其合爲椒風以配椒房云昭儀及賢與妻旦夕上下
竝侍左右賞賜昭儀及賢妻亦各千萬數遷賢父爲少府賜爵
關內侯食邑復徙爲衛尉又以賢妻父爲將作大匠弟爲執金
吾詔將作大匠爲賢起大第北闕下重五殿洞六門土木之功
窮極技巧柱櫨衣以綈錦下至賢家僮僕皆受上賜及武庫禁
兵上方珍玩盡在董氏而乘輿服乃其副也及至東園秘器珠
襦玉柙豫以賜賢無不備具又令將作爲賢起冢塋義陵旁因
爲便房剛柏題羨外爲微道周垣數里門闕累恩甚盛上欲侯
賢而未有緣會待詔孫寵息夫躬等告東平王雲祠祭咒詛下
有司治伏其辜上於是令躬寵爲因賢告東平事者乃以其功

下詔封賢爲高安侯。躬宜陵侯。食邑各千戶。頃之。復益封賢二千戶。丞相王嘉內疑東平事。寃甚。惡躬等。數諫諍。以賢爲亂國制度。嘉竟坐言事下獄。王初卽位。祖母傅太后。母丁太后皆在。兩家先貴。傅太后從弟喜。先爲大司馬。輔政。數諫失。太后指免官。上舅丁明代爲大司馬。亦任職。頗害賢寵。及丞相王嘉死。明甚憐之。上寢重賢。欲極其位。而愷明不附。遂冊免明。以賢代之。冊曰。朕承天序。惟稽古建爾於公。以爲漢輔。往悉爾心。統辟元戎。折衝綏遠。匡王廢事。允執其中。天下之衆。受制於朕。以將爲命。以兵爲威。可不慎歟。是時賢年二十二。雖爲三公。常給事中。領尙書。百官因賢奏事。以父恭不宜在卿位。徙爲光祿大夫秩中二千石。弟寬信代賢爲駙馬都尉。董氏親屬皆侍中。諸曹奏